

फैफिन



मुश्री रामदास बड', एम, ए ।
आठियाबारी ।

द्विहुनगिरि :
बड' पाब्लिकेसन बड'
बड' साहित्य सभा
क'कराभार ।


BVP-1422

29/05/17

28/44

(4) 1990

फैफिन



मुश्री रामदास बड', एम, ए।
आठियारी।

दिहुनगिरि :
बड' पाब्लिकेसन बड'
बड' साहित्य सभा
क'कराभार।

FWIFIN a book of Bodo verse published on the occasion of the 17th Conference of Bodo Sahitya Sabha held at Barama from 4th to 7th March, 1976.

First Edition : 1st March, 1976.

Second Edition : October, 1993.

**All rights reserved by the Bodo Publication Board,
Bodo Sahitya Sabha.**

Price :

**Printed at :
ORKHI Printers & Publishers.
Depot Road,
Kokrajhar—783370.**

रायफोरनाथ

आसामनि गौहाटी बुहुम फरायसालीनि अनगायैबो गुबुन गुबुन बुहुम फरायसालीयाव बर' बिफान बेखेवनाथ आरो बर' रावखौ आयदा राव महरे बाहायनाथनि गोनांथिखौ नोजोर होना बड' साहित्य सभाया 'सिलेबास साब-कमिटि' मुंनि मोनसे दालाइ आफाद दाना होदोंमोन । बे 'सिलेबास साब कमिटि'या सायख'ना होनाथ बिजाब आरो बुथुमना मोन्नाथ लिरथाइफोरखौ बर' थुनलाइ आफादनि दालाइ आफाद 'बड' पाब्लिकेसन बड'नो साफायना दिहुनाथनि बिबान होनाथ जायो । बुहुम फरायसालीयाव बर' बिफान बेखेवनाथनि अनगायैबो बर' थुनलाइ आफादआ मोनसे गोनां आरो गिलिर बिबान दं । बेनो जादों बर' बिजोंनि फरायसाफोरनो फरा बिजाबनि अनगायैबो गोनां गोनां उफ्रा बिजाब साफायना बिसोरनो फरायनो खाबु होनाथ । गोजाम गोदान गोबां बर' बिजाबआ असमोया हांखोजों साफाय-जानायलाय बर' बिजोंनि फरायसाफोरा बेफोर बिजाबखौ फरायनो हाया बर' थुनलाइ आफादआ देबनागरी हांखोजों लिरनाथ आरो साफायनाथ बिजाब जेरै—खन्थाय, रायथाय, फावथाय, सल', सलमा, सावरायथाय फरायग्रानो दिहुन्नो होनो हायाखै । बबेबा बिजाबनि मुंखौ खोनादोंल' नाथाय दानो एबा फरायनो मोनफेराखै । बेफोरखौ नोजोर होना बर' थुनलाइ आफादआ गोजाम-गोदान बिजाबफोरखौ साफायना दिहुनाथनि थिरांथा लादों आरो 'पाब्लिकेसन बड'नो रांनि मदद होदों । गुबुन गुबुन बिजाबनि लिरगिरि, दिहुनगिरिफोरा 'बड' पाब्लिकेसन बड'आ हांखायनाथबादि बिजाब आरो लिरथायखौ सांफायनो दिहुन्नो गथायथि होना बड' साहित्य सभानो मदद होदों । बेनि थाखाय बिथां मोन्नो बड' पाब्लिकेसन बड'नि जाना गोर्बोनि साबायख'र बाउनाथ जाबाय ।

सायख'जानाय बिजाब आरो लिरथाइफोरनि सोदोब आरो बानान-फोराव गोजाम नाथाय गोरोबि खान्थिखौ सोदांना आथिखाल बड' साहित्य

सभाआ आजावना लानाय बानान खान्थिखौ बाहायनो नजानाय जादौ ।
फार्सिथि एसेल' समनि गेजेरावनो बिजाबफोरखौ दिहुन्नो गोनां जानायाव
माखासे जौनि नोजोराव गोग्लैयै गोरान्थि थालांनाया गिदिर बाभ्रा नडा ।
वेनि थाखाय बयनिबो खाथियाव निमाहा बिनाय जाबाय । जोबनायाव बड'
साहित्य सभानि जाना बड' पाब्लिकेसन बड' नि हांखायनायाव गोबां साफाय-
सालीया खम आरो थिसमावनो बिजाबफोरखौ साफायना दिहुन्ना मदद
हौनायनि थाखाय साफायसालीनि बिगोमा आरो मावथिफोरनोबो गोसोसिनि
साबायख'र बाउबाय । इयुनाव बर' बाव-थुनलाइ हारिमु जौगानायनि
हांबाफारियाव बयनिबो मदद आरो हेफाजाब मिजि थिनाय जाबाय ।

मंगलसिं हाज'वारी ।

क'कराभार ।
27-8-93.

लिथुमगिरि,
बड' पाब्लिकेसन बड', बड' साहित्य सभा,
क'कराभार ।

नाइखां-बिलाइ

1.	फैफिन	1
2.	निमाहा	3
3.	गाबख'नाइ	5
4.	आरज : अखोरांनियाव	7
5.	उर्वषी, हरा दा बेसां जाखौ ?	9
6.	स'फायी	12
7.	स'माइ	14
8.	नरकाव इनजुयान	17
9.	थरसे मोदैयाव	19
10.	आरज	20
11.	बोरै मिथिछ'नो	21
12.	जोनोम जोनोम	22
13.	जाफुंथो नौनि लुबैया	23
14.	गोसो-रंगिना	23
15.	नों आंनि थैछ'-थांछ'	24
16.	जौनि बिथान	26
17.	गाबखांओ मानो	27
18.	नोंखौ नेना	28
19.	रजे बिबार	29
20.	गोजान अखोरां	30
21.	हाग्रानि दाव	31
22.	दाव खौवौ	33

फैफिन

हे बिलोगो
नोनि सानभ्रंहाथै सिमानि
मोनसे सिमांआबो
जायगा मोनानोला
अननाइनि जिराइथोलोआव,
आंनि गोसोनि फिसा ख'सालिया
अराइबो गेंना थाबाय
नोनिनो थाखै;
फैफिनो नों, दागि,
हाबफैफिन
आंनि बे ख'सालियाव ।
गोजान लामाजों
हारसिंओइ थांनाइआव
लोगो मोनफ्फांओ बोला
लोगो गोगोमाजानाइ मासे दावब'
लिनानै हाबोफा बिखौबो नोंजों
दागारबो हारसिंओइ
लामा गेजेराव ।
बिजोंनो एफ्फा एनै
बाथा रायज्लाइनानै
रेजेंहोनो हागोन नोंनि
मोनाबिलि गिलित गोसोखौ ।
सुग्लाइहोनो हागोन नोंनि
गोसोनि दुंहाब दाहाखौ ।
नेखौनो नैनानै थाबाय

सेथलानि बे थुलुंसिया,
 नों ल' इसेबो दागिलुत फैनो ।
 गोसोनि मानषिया बुंछ'नो हाया बोलाः
 नोंनि आंनि जीउनि लोगो;
 फौथाइगोनना लोगो नोंओ
 थांनाइनि समाव बे,
 खमफि खमफि जोंना थानाइ
 सार्थिन खमफिनाइ बादि
 खमफिदों आंनि गोसोआबो
 नोंनिनो थाखे ।
 हे लोगो, फैफिन नों दागिलुत
 हाबफैफिन आंनि बे ख'सालियाव ।

जिराइथोलो— बन्दर । ख'सालि— कोटा ।

दुंदाव— बङ्गनामर, खानामर ।

निमाहा

मोनफा मोननै हाय
 माखासे बाभ्राखौनो
 खिन्थालांनाय आंओ ।
 नाथाइ खिन्थानाइ जायाखछे
 वि बाभ्राखौ
 जेनि थाखै नोखौनो
 नेनानै दड'मोन आंओ
 अराइ सान हर ।
 गोहोननि गोरोन्थि
 आरो हांमानि मिनिनाइआव
 बावदोंमोन आंनि थादिनखौ
 आरो बावदोंमोन
 हाबिलानि मोदै ।
 खुरैसे जीउनि गोरोन्थिया दिनै
 गोसोखांहीबाय मोनसे सोंनाइ
 अनजिमागैये सोंनाइ :
 भाया सैथो,
 दिनै ना गामोन ?
 उजिनाइ ना थैनाइ ? ?
 जोंनि मोननाइआव
 नांलिया गैया
 दड' नांबावगौ ।

उजिनाइआथ' जोंनि मोननाइ नंआ
 मोननाइनि अनजिमाबो मंआ ।
 वियो मोननांगौनि
 अनजिमागैयै लामानि गुदि ।
 गोहोन-बावलियानि द'सेल' मोननाइ
 आरो
 बावदा-गोहोननि सिमानि थाखै
 अराइबो गाबगाछिनो दड'
 सानथ्र'हायै राहागैयै जीउ ।
 वेफोर गोरोन्थिनि बिखायाव बारनाइ
 नाइफिनजायै बिबारनि दाहाखौ नुनानै
 नोंनि बायदि सानथ्र'हायै
 निराहा गोसोआ
 गाबखांओ नामा
 द'सेनि थाखै ल' ब्लाबो ।
 आरो
 नोंनि बे दाहानि
 बाइखोन्दा फोरखौ सृजुनानै
 महाकाब्य दानाइनि फैमाल हाबिला
 आंनि बे जि गोरोन्धि
 बिनि थाखै निमाहा बिबाय ।

गोहोन — छान थादिन — मड्डा ।

निराहा — निरुपाय

गा व ख' ना इ

भोनफा मोननै हाइ
 रोज्जासे गेलापनि फाइलि
 जेला सिरिज्जबो
 जीवननि लामायाव
 दासों नोंओ लोगो
 मोदै हुगारनानै
 रानलांखो बियो सोरनि
 अनागि अनसेमायाव ।
 गाबोनगि बिबारनि बाइदि
 जोंनि जीउ फायलियाबो
 समनि देख्ना नानानै
 सानसे रानजोबलांगोन
 गोजांनि मोनाबिलियाव ।
 थानाइ नंडा हिखालि
 बैस्मुथीनि बिखायाव
 जीउखौ बिलितलंनाइ
 लोगिनि आरं ।
 जोंनि बाइदिनो, लोगो,
 सानभ्र'हायै जीउनि
 ब'बा सल'बाथा
 अराइबो दानाइ थागोन
 अखोरॉनि खायमायाव ।
 दासों नोंओ लोगो,

बैस्पुथीया सानछ' हानाइ नंआ
 जोनि बि सल'बाथाखौ ।
 बिखानि थैजों
 जीउखौ होनानै
 फैमालखौ जराइथां खालामनाइनि
 जि गिबिं बिथावरि गेहेन
 नौओल' बेसेराव

रोज्जासे — एहेजाब । फाइलि — पाहि ।
 अनागि — निछूब । अनसेमा — अरहेला ।
 गाबोनगि — निःखेद । देखा — पबश ।
 लोगि — बेणू । आरं — सौबड ।
 गिबिं — मधूब । बिथावरि — दुःसह ।
 गेहेन — प्रयास । बेसेराव — अस्वीकार ।
 गाबख'नाइ — काथब अनुबोध ।

आरजः अखोरांनियाव

(प्रार्थना : आकाशर प्रति — नव वक्त्रा)

हैं अखोरां ।
 नोंनि खायमा गाबखौ
 आंनि दाहाजों
 खायमाछिन खालामनानै
 गाबहन खालामनाइ फोदोर
 निमाहा होदो दिनै ,
 अखोरां गैयै आंनि जीवनाव
 आंखौनो लानानै मानो
 ओथि दाफाइओ
 जीउदिननि सानछेहायिया ?
 बि जीवननि बेसाननि थाखै
 आंनि दि अखोरांआव
 मोनबो गैया ।
 हे अखोरां,
 आंनो अखोरां हो इसेल' ।
 अखोरां,
 नोंनि अननाइखौ मोनदांओ
 आंनि जीवनाव ।
 सिमां दानाइनि हाबिलायाव
 थांखिना थायो
 आंनि अखोरां दानाइनि
 गोजाना ।
 अखोरां,

नोनि माखासे देसानखौ
 आंनि जीवननि बेसानजो
 सुछ'नो हायाखछै ।
 गोसोआवल' थांखिना थायो
 नोखौ हांखाइनाइआ ।
 आंहा लामा गोमायो ।
 आनि अखोरांआ सुलांओ ।
 थेवनो हांखाइनाइआ खारलांओ
 सिरि सिरि ।
 है अखोरां
 नोओ जोनो होफेदो
 नोनि इसेल' अखोरां ।
 जीउदिननि थिफाइनाइखौ जोओ
 आन्जिद खालामना दिखानि
 हे अखोरां,
 नो खोनासं
 आंनि गांहाब गोसोनि
 हांखाइनाइखौ ।

गाब — ब९ ।

गाबहन — करुण ।

फोदोर — अपबाध । जीउदिन — मशंपूरुव ।

ओथि — अर्थ । थांखिना — जागरुक है ।

गोजोन — ब्यवधान । आन्जिद — मार्थक ।

उर्बषी, हरा दा बेसां जाखो ?

उर्बषी, हरा दा बेसां जाखो ?

दाबो नामा नों

सारि मोनना दड'

आरो

सारि मोनना दड'

असैथोनि जोबशालाब अराइबो जोबजानाइ

सैथोनि सोरां ।

जेरै सारि मोनना दड'

मफान्जीनि मुगैजानाइ गोथार सिंगोसो

आरो

बेसेबां गाबगैनि

राइरोडै बिथावरि उखै ।

नांजोबै

आरो

लुबैगियाथिनि सीमाजोबाव

नुदों ह'नै आंओ

सैथोनि सेतथेहां

असैथोनि जीउ-दावराव

जाइनि आखाइभाव गाबखांओ

मानषिदितनि जीउथे ।

सिंगोसोनि गुरै मोदोमाव

खोनादों आंओ

सानगै अनागारनि

निथावरि चाबुक बुनाइ ।
 हरनि नियार सोरखिना
 मब्ला अंखारगोन साननि सोरां ?
 थैनाइ बादि नंथार सोरां ??
 अहंधतो
 नोंओ नामा दाबो
 उरुनानै दड'
 सिमांनि बिखायाव ?
 नोंनि निमाथो निमावआ
 बेसां सिमांनि बेसान ?
 उर्वषी, बुंदो दे खोथा ।
 मोनफा मोननै हाइ
 सिमांनि फाइलिफोरा
 गोमालांजोबमारबाय बोला
 लैथोनि अननाइनि बिखा गेजेराव,
 नोंओ होनबा बिखौनो
 सानखांबाइ थादों ?
 उर्वषी,
 लैथोआदि नोंनिनो
 नोंनिनो नागारहायै
 अन्जाली रजे ।

मफान्जी — बेश्या । जोबशाल — बन्दीशाला ।

सिंगोसो — विवेक । राइरोडै — यूक ।

गावगौ निःश्व । नांजोबै — यूक्ति ।

लुबैगियाथि — साधुता । सेतथेहां — रूढशास ।

जोडथै — प्रेतात्मा । सानगै — अविचार ।

अनागार — अज्ञान । नंधार — सँचा ।

निमाथो — निर्दाक । निमाच — निश्चलता ।

बेसान — मूल्या, विनिमय ।

स' फा यो

नौखौ गाहाम मोनो
 जेरै गाहाम मोनो
 मोनसे बिवार,
 मोनसे हाथरखि
 आरो
 गाहाम मोनो सासे 'घूट-गाल'
 सिमानि बिखायाव ।
 अराइ खाजानाइ नों
 आंनि गोसोनि गोमोसाव
 थादिननि सेर सेर बारना थानाइ
 फाइलिसे थैजवा
 अराइ-सिखोला ।
 गोजानाव बिरखारलांबाय नों
 गोरोन्थिनि हांआव
 हारसिडै नांथाबाय आं
 दुब्रिनि बिलाइआव ।
 गोजोनाव खोनादों आंओ
 नौनिनो गाबिलु ख्वै ।
 बियो देन सोरोबा
 रसानांनाइ मफान्जीनि
 थर्बान लिंहरनाइ ।
 दाफैफिन नों
 आंनि खबांगि मेथाइ, खोनानानै

हारसिडै दाछिगोन आंओ

आंनि सिमांखौ ।

नोंनि

आनि

आंरो

बेसांबा जीउनि

○ गाहाम मोननाइनि दाहाखौ

मिथिलिया बे मुलुगा

५ विनि थाखै नों

दाखालाम इसेबो हासाव ।

सफायी — अनागत । गोमोसा — छह ।

अराइ-खाजानाइ — छिबवन्दिनी ।

गाबिलु — विनि । खै — नूब देखो ।

थर्बान — आकूल । खवां — छन् ।

खवांगि — छन्शौन । हासाव — आकूप ।

स' मा इ

लैथोनि हगुंआव हारसिडे ज'ना
 ह'ने नुहरदों आंओ
 मोनसे खायमा अखोरां ।
 मिथिछ'यै समजों बिसिगी बियो ।
 बे अखोरांआ
 मवेबा समाब
 अन्जालु शावननि
 बुंछार खुरैखौ फोरानजोबना
 सोगाबबाय बिमुथीखौ
 सांग्रेमा सिखोलानि ब'बा दाहाजों ।
 उखैहाब जोउनि खारग'नि थाखै
 ख'सा आन्जावदों ह'ने
 बिमा बैसुमाया ।
 दाहाथि अखोरांनि
 आखाइआदि जिं ।
 थेवबो
 खायमा मेगना बिनि
 निमाव सागोर मोनसे
 नुजायि दोहौजों थोरहाल
 फेनजोगो ।
 सोर्जिनि बोहैछार गैया
 बे अखोरांआव ।
 दड' स'माइ ल'

अन्जामागैयि गोथार होनाइनि ।
 जासोरां गोसोआ बिनि
 फागुननि गाबजों
 रंजास्त्रि-सिखारहां सासे सिखोला ।
 उरु लांआखै दाबो
 बिनि बिखायाव
 मुलुगनि उजिफिना ।
 सीमागैयि खायमानि
 गाबरुन दाहायाव
 नै
 नुदों आंओ
 मानषिनि फोला
 आरो
 जोबोत गाख'न ।
 जा'बाव गोसोनि अनागि दलीलजों
 मोनबो चिनाखि गैया
 बे अखोरांआ ।
 बिछोरनि . गोसोआ
 थांहायि हाग्राल'
 उखैले मुफुरनि हांजों
 बिकखोहाव ।
 थेवबो बे अखोरांआ
 बावथारा बिनि स'माइखौ ।
 बाइदि गाबजों
 मानषिनि थाखै ल'

अराइबो थाना थागोन ।
सानसे बियो
लाबोफिनगोन अन्जालु शावनखौ
आरौ
खुंगोन बोहैछार बैसुमायाव
बिमागोन हिन्जावनि जोबै मोदैजों

स'माइ — अङ्गीकार ।	खारग' — मूर्ति ।
दाहाथि — बाधित ।	जिं — बिलु ।
निमाव — अटल ।	थोरहाल — उन्नत ।
फेनजोगो — फेनिल ।	बोहैछार — प्लावन ।
जासोरां — बङ्गित ।	रंजासि — अभिसार ।
सिखारहां — उग्रत ।	गाख'न — अविचार ।
जा'बाव — कृतघ्न ।	बिमागोन भातूसुत्रा ।

नरकाव डनजुवान

(नरकत डनजुवान — नव वरुण)

बेफोर,

सिखोलाफोरनि बाइखोन्दो जखोन्दा

अननाइआव जानाइ

मोनफा मोननै गणितनि गोरोन्थि ।

बेफोर,

सिखोलाफोरनि

गोसोआव बारगोलांनाइ

फाइलिसे फाइलिनै

मोजा शिरिनि बिबार बुथुमनानै

थैयि खालामनाइ

आंनि सिमांनि बिखायाव ।

थांनाइ फैनांगौ

आरो

जि थांनाइआ फैयाखै

बिनि सानछ'हाये दाहा ।

बेफोर,

सिखोलाफोरनि

गाबाखौनो मोननो थाखै

सिमां सेफाइनानै होनाइ

आखाइ मुठियाव खमफिनाइ

फारौ बिमा बाइदि,

बेफोर,

सिखोलाफोरनि

घप् घप खमफिबाइ थानाइ

ग्रुप् ग्रुप् खमफिबाइ थानाइ

रुइरुबु गोसो

बेयाव

मब्लाबा

मोननै गोदे मुसुरनाइजों

खबां सुजुनानै

गोरोन्थि टादोंमोन बोला

बिनि बेसानखौ

मोदैजों होबाय ।

रुइरुबु — मधुब, झुडाती ।

थरसे मोदैयाव

(चोखेर जले — रवीन्द्रानाथ ठाकूर)

आंनि खर'खौ देमग्लाइहो नौनि
आफाखिनि सिंआव ।

ग'बहो आंनि गासै अफायदां
थरसे मोदैआव ॥

गोगादों जिसेबां
सोबादों इसेबां

गावनिनो खाचलाइआव ;
सारि गिदिं गिदिं
गिदिंना हारसिं

जाबायो गोदाव-सोराव ।
ग'बहो आंनि गासै अफायदां
थरसे मोदैयाव ॥

गावखौनो आंओ दागोगाथों
आंनि खामानियाव ;
नौनिनो लुबे सुफुंना हो
आंनि जीबनाव ।

नागिरो आंनि जीउ गेजेराव
नौनिनो शान्ति — जीउ देहेलाव ;
अराइबो था आंनि आन्दोआव
गोसोनि गेजेराव ।

ग'बहो आंनि गासै अफायदां
थरसे मोदैयाव ॥

आ र ज

लैथोआव गोग्लिबो बोला
आंखौ दिखां अनान
आंनि बे आरज नंआ ।
सानस्त्रिनो हागोन आंओ
गोसोआल' फोथाइथों
आंदि हारसिं हारसिं नंआ
दुखुवाव मोना बोला
रुइसुमै राव,
जेरावबो जायो बोला
गोदाव-सोराव,
आंओ देन गोसोखांओ
आलो गोसोआव
हे आनान बुंनो दड'
नौनिनो राव ।
आंनि फोदोरखौ होखोमा नों
आंनि बे आरज नंआ
फोदोरखौल' मिथिना लाहो ।
आंनि फापखौ हुखोभोर नों
हे आनान लुब्रैया बेखौ
फापखौ ल' चिनाइना लाहो ।

बोरै मिथिछ'नो

अमबासी हराव गिदिं गिदिं
गोलैग्रुपबायो बोला
सोरो बुंओ आं
लामाखौ चिनाइआ ?
हे आनान, नौनि सोरांजों
आंनि दि बे गोसोआ
अराइबो गोजों
बेखौ बि मिथिया ।
दुखुवाव नौखौ गाबज्जिह'रो बोला
सोरो बियो सोरो
आंखौ मिनियो ?
नौ दि आंनि जीउनि अराइ लोगो
बेखौ दि मिथिया
मिथियारा बियो ।
आं जेला सिरि सिरि
मोदै सुरहाबो
सोरो बि नौखौ
थोनो गाबज्जिनो ?
आं दि नौनियाव नो
नौओ आंनियाव
बे खिन्थाखौ बियो
बोरै मिथिछ'नो

जो नो म जो नो म

जोनोम जोनोम

नोंखौनो हांखाइब्रोदों आंओ

थेबो दि जोबब्रोआ

बि हांखाइनाइआ ।

हे आनान,

नों आंनि थछ'-थांछ'

नों आंनि आगो

लामानि अराइ लोगो ।

नोंखौ नागिर नागिर

मेंहाबो आंओ जेला

सोरो दि बुंओ

नोंओ नो दाबो गोजानाव ;

फोथाइआ बिखौ फोथाइआ

आंनि गोसोआ ।

हे अनान, नों

दड' आंनि बिखायाव ।

जा फुं थों नोंनि लुबैया

मा दि मायाजो खांखो नों आंखौ
 जि मायाखौ नागारनो हाया,
 मा दि लामार्थि दैबधिखो आंखौ
 जि लामाखौ चिनाइनो हाया ।
 जेसेबां नागारनो बाजायो मायाखौ
 एसेबां खाछिनना होयो,
 जेसेबां दावगायो आंनि लामार्थि
 एसेबां लाववाइ थायो ।
 मायाखौ फोजोबदो
 देखौ आं बुद्धिया
 मायाजों बुछारथों
 आंनि गोसोआ ;
 लामाखौ पृसुंदो
 बेखौबो नागिरलिया
 हे प्रभु जाफुं थों
 नोंनि लुबैया ।

गो सो - रं यि ना

जि दाहाया गोसोखौ सावको
 वि दि नोंनिबो दाव ;

आरो देखेथो सावबावनो
 बे गोसोखौ हे आनान ।
 मोदैनि गेजेराव लामाया गोमाबाय
 जि लामाजों फेदोमोन आं
 नोखौ नागिरना ;
 मोदैखौ हुगारनो आंधोदि गिबाय
 नों आरोबा नुहां नुवाहां
 गोमायो नुजाफेना ।
 आं दिनै सानथिबाय
 मोदैनि गेजेरावनो दड'
 आंनि जीवना ;
 आं दिनै मोनथिबाय
 दाहानि गेजेरावनो दड'
 गोसो—रंगिना ।

नों आं नि थै स'—थां स'

सोरो दि बुंओ नों
 माथो नुजाफेया
 आंनि जीवनाव ;
 नोखौ मोनैलाइ
 आंओनो जागोन

गोदान-सोरान ।

नोंखौ नुवाखै आओ

साना सानसे बो

गाबाखै गोसोआ ;

आओ दि नुगाछिनो दड'

नोंनि महरखौ

गोमाया गोमाया ।

सानाखै सानसे बो

नों गोजानाव

आंजों थाफायो जेरै ;

आंखौ नागारना

नों थानो हाया

मालाइआ मिथिनो बोरै ।

लुबैया आंओ सानसे बो

मालाइआ नुथों

जोंनि बे अराइ थाछ',

थैनाइनि उनाव बो

थाफागोन नोंजों

नों आनि थैछ'-थांछ'

थाछ' — मिलन ।

थैछ'-थांछ' — जौबने मबने लगबीडा ।

जों नि बिथान

नोंनि अननाइजों सुफुं ना होदो
 आनि गोसोखौ ;
 नोंनि सोरांजों फोजोंना होदो
 आनि जीउखौ ।
 नोंनि गोसोजों खादो हे आनान
 आनि बिखाखौ ;
 नोंनि लुबैजों फेजेनदो आनि
 दुखार लुबैखौ ।
 हे आनान,
 मोननाइनि गेजेराव
 नोंखौ देन मोनाखै ;
 हे बिलोगो,
 नुनाइनि बो गेजेराव
 नोंखौ देन नुवाखै ।
 आनि लामायाव बुंसारना दड'
 नोंनि आगान ;
 आनि दरखंभाव नेनाने दड'
 जोंनि बिथान ।

दुखार — दुखार । बिथान — गिनन ।

गा ब खां ओ मा नो

गासैबो देखो गोरोबना दड'

आंनि गोसो-बीणायाव ;

थेबो मां दि देखोआ खालामखो

आंखौ उसाव-बादाव ।

गासै बो रंआनो ज' जाना दड'

आंनि मेगन-मोसा ;

थेबो मा दि रंआ मुहिना लाखो

आंनि बिनाइ फिसा ।

हे आनान, नौओ मा हाया बुंथिनो

आंनि मा लुबैयो,

आंनो मा होनो ;

गासै होना बो माबा देन लाफिनो

गोसोआ सिरि सिरि

गाबखांओ मानो ।

नों खौ ने ना

दैमानि धाथोनाव

सोरनि सिफुंआ रिंहावदों ?

बिखौ आंओ नुवाखै ।

थेबो बिखा सिआव

बिखौ आंओ मोनदांदों ।

बैस्मुनि गासै सुबुआनो

जंथुमा खुंदों बियाव

गोसो मोदोम उराव-माराव ।

आं दड' हारसियैज'ना

आंनि बे हारसि न'आव

नोंखौ मोननो लुबैयाव ।

नोंओ मा आंखौ ह'गारह'रा

बेयावनो लाखिनो

अराइ खाना ?

गानो दि दाबो नुजाफैया नों

बेसे बा थानांगोन

नोंखौ नेना ।

रजे विबार

आंनि मेगनाव नोंओ

मोदै लुबैयो बोला,

बियो जाथों आषारनि

फोथार रंजानाइनि

दुखार अखा ;

गोसोआव मेथाइ दड'

नोंओ खोनायो बोला

बियो जाथों जाहारनि

बिखा सुगलाइनाइनि

बार-हुंखा ।

गोसोआव हाबिला दड'

नोंओ मिथिनो बोला

बियो जाथों निहोरनि

दन्नि बिलाइ फुंनि

ब'बा गोथार ;

गुसुथियाव मिनि दड'

नोंओ नुह'रो बोला

बियो जाथों बिमुथीनि

नोंखौ मुहिनाइनि

रजे विबार ।

गो जान अ खोरां

हे अखोरां, बेसां गोजोन
 नों बेसां गोजोन ?
 बाइदि गाबजों अराइ गोदान
 नों अराइ गोदान ।
 सान फोरोम बो नोंनि बिखायाव
 गेलैयो बाइसिना रं ;
 माब्ला दि जोबगोन नुजा-थाखोमा
 मिथिना गम'ना ल' दं ।
 नोंनि अन्जिमा गैयि बिखायाव
 अन्जिमा गैया रंनि बो ;
 मोनदांआ थेवबो आंनि बिखायाव
 नोंनि बै रं इसे बो ।
 मिथिगौ आंओ बे जीबनाव
 नोंखौ मोनहास'आ ;
 थेव बो नोंखौ मोननो लुबैयो
 जोबा आंनि बे लुबैया ।
 दामिनि अनजालु हे अखोरां
 आंनि मोनहास'यिखौ ;
 जोनि बे जानखारा आंनि खोमसि
 बे दि आंनि लुबै
 नागारा नागारा बिखौ ।

हा ग्रानि दाव

आंगो आंनि अनजालु दाव ।
 उसाव-बादाव इसेबां
 मानि थाखै, मिथिया फाव,
 गोसोथोलो अनो जिसेबां ।
 बार हुखाजों बुजा-सिजा
 गोदाव-सोराव मोन नों ;
 थादो गेलेना रंजा-बाजा
 आंनि बे गोसोथोनाइजों ।
 जोबथेजाया थायादि आं
 दाजा जेसेबां रंजा-बाजा ;
 अराइ उदां लुबैयो दि आं
 मोनजा लागै दामोनजा ।
 नोंनि बे स'नानि न'चाव
 आंनि दि गोसोआ गोजोना ;
 उदां बै अखोरां सिआव
 थागोन लोगोजों गेलेना ।
 आइ आफाजों दड' आंनि
 आदा आगै आब'मोन ;
 ह'गार आंखौ थाहैदोनि
 नों बो गोसोआव थागोन ।
 गथ'वा लासै खेना होबाय
 जोबथेलिनि दरखौ बिनो ;
 भुहं बिरना खारलांबाय

दा व खौ वौ

खौवौ खौवौ खौवौ खौवौ होननानै
 बिलिफां हर फुं रोजाबर्थिनानै
 हागोरा बंगोरा दैमा न'सेराव
 बिरद' बाद'यै जेराव मेराव

इनाइ बिनाइ नों मानो गाबबाइदों,
 खिन्थालां अचिना दाव सोर जाखो नों ।

अखोरांनिफाइ बिरबोनाइ

नोंओ नामा सासे राफोदाइ ?

नुजाफैदों बैस्मुथीयाव

फोसावनो गोदान राव ?

इनाइ बिनाइ नों मानो गाबबाइदों,

खिन्थालां अचिना दाव सोर जाखो नों

लामानि लोगोखौ महा खोमानानै,

गोजोन गोसोखौ दुंहाव होनानै,

जाबाइदों मानो नों गोदाव-सोराव ?

नोंनि गाराडै हरा गाबखांओ

बिलिफां फुंआबो अम्बासी जाखांओ

दागाबचै दाव नों खाराव-माराव ।

मा मिथिनो नों मोनिस माहारी,

मोननाइ मोनैबो गोसो होदाउरि ;

देरछिन सोरजि नों आफा लाउरिनि ;

दड' नोंहा मोननो लुबैनाइ,

नुनाइ मानि जेबो हांखाइनाइ,

विदियावनो जाबाइओ नों आदि-थानि ।
 राफोदाइ नंआ आं
 लाबोआखै जेबो राव ;
 लोगो गोमाजानाइनि
 दिन्थिया मोनबो फाव ।
 बोसोर फ्रामबो नुजाफैयो आं
 बे बाइदि समाव :
 बिफां लाइफांआ बिथराइ लायो
 जेवोला जेराव ।
 आं बाइदि रंजानो
 हागोन नों सुबुं माहारि
 लुबैनाइखौ नागारो बोला ;
 जों जादों बइनिबो
 दुइछिन जोउ हारि
 नाथाय जेबो गैया हाबिला ।

राफोदाइ- रादाव फोसाबग्रा मोदाइ, देवदूत ।

अम्बासी — अभावशा ।

**BODO PUBLICATION BOARD,
BODO SAHITYA SABHA.**

Sri Manoranjan Lahary, M.A. B.T. Chairman.

Sri Mangalsingh Hazowary, M.A. B.T. Convenor.

Dr. Kameswar Brahma, M.A. Ph. D. Member.

Sri Guneswar Mushahary, M.A. B.T. „

Sri Mahesh Islary, M.A. B. Ed. „

Price—Rs. 7/-